



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicoꝝ, 1607

S. Phosterivs.

urn:nbn:de:hbz:466:1-43013

MEnologium huius continet acta 19. Maij, vbi filius Patiani proconsulis dicitur. Eubiorus prope simili perfunctus vitâ, post sexcenta tormenta in solitudine tamen diem suum obiit 18. Decembris.

5. Ianuar.

S. PHOSTERIVS.

Hic S. noster Pater Phosterius ex Oriente, veluti sol quidam effulgens occidentem splendore suo illustravit. Cum enim altam rupem, & ab omni strepitu remotam ascendisset, purissimis Deum precibus coluit, cibiq; abstinentia, insomniâq; & chameuniis, cæterisq; corporis afflictationibus se ipsum discruciendo verè sidus videbatur, nomineq; rebus conueniente, orbem omnem luminis fulgore impleuit. Corpus autem castimoniâ illibatum, mentem sanctimoniâ consecrauit, Deiq; expressam animi similitudinem vti erat capax, custodiendo, spiritus sancti sacrarium effecit. Etenim miraculis à Deo auctus & exornatus, morbos omnes, omnisq; generis ægrotudines, à quacunque hominum sorte precando depulit, panesq; diuinitus, vt olim Elias vates, * accepit. Sed ille per coruum, hic verò per cœlitis manum capiebat. Angelus igitur erat, qui huic quot diebus, certe

* & postea
Paulus pri
missis cum
Antonio.

certo quodam loco, certa quadam dispensatione panem seposuit. Quod si vnus, alterue, aut tres pluresue religiosi fratres peregrè aduenissent, totidem panes eodem in loco per se reperiebantur. Quis vnquam tam inusitatum miraculum vel oculis vsurpauit, vel per auditionem accepit? Sed cū absque Deo nihil possit nostra deprecatio, non vsque ad vitę finem hoc Dei munus illi est concessum. Sed Prophetę quidem ad aliquos duntaxat dies, beato verò huic ad annos non paucos, quoad nempe vitam solitariam & inopem est sectatus. Postquam verò cœnobiū ope numinis excitauit, plurimosque in eo monachos Deo dedicauit, non è cœlo, vt ante, victum accepit, sed ex quotidiano manus opere omnibus necessaria præbuit: non quod id Deus non posset, apage os impium, quomodo enim, qui tot millia ingratorum Hebræorum in solitudine paut, non possit fidissimos, sibiq; gratissimos cultores & alumnos pascere? patet res: neque rursus, sancti viri preces Deus asperratus est, absit: quin neque pro subtracto pastu vnquam deprecatus est. Querite enim, inquit Christus, regnum cœlorum, & hæc omnia adicientur vobis. Nec rursus placet Deo otium nostrum a-

*Et inquit
propheta.*

lere. Hinc præcepit Deus famulo suo Phosterio, vti ne quid ab alio acciperet, sed manus operâ omnia sibi, suisque compararet. Nihil enim à quoquam accipiebat, atque ab eo tempore non verbo tantum docuit suos alumnos, quo pacto faciendo opere essent occupandi, studioque precandi & legendi vacarent, sed re ipsa & factis id ipsis ostendebat. Cum porrò ea tempestate hæresis in Ecclesia Dei grassaretur, multisque coactis patribus & ipse euocaretur, venire minimè recusavit, reque benè gestâ, summâ de se omnibus admirationem commouit, multosque ex mulsis errorum sectis ad veritatem traduxit, pluresque suis adhortationibus ad vitæ monasticæ disciplinam attraxit, multaque miracula viuis mortuisque edidit. Obiit quinta Ianuarii ad vesperam.

9. Ianuar.

S. EVSTRATIVS Thaumaturgus.

*De alio
Eustratio
martyre
leges infra
in Syntag-
mate de*

HIC è Tarsia, sic indigitata regio est, optimatum ordini subiectâ, vico Bitziano, religiosi admodum parentibus & copiosis Georgio & Megethone oriundus, ab illis honestè eductus & institutus, cum
annum